

Paulunê papia kêtú luagêcŋa gêdêŋ lau KORINTI

Paulunê papia kêtú luagêcŋa gêdêŋ lau Korintŋa nec ŋac tau keto gêdêŋ ŋasawa teŋ, taŋ ênê to gôlôac Korintŋa nêŋ biŋ kêlêsa tau ŋasec naŋ. Lau buŋa ŋagêdô oc sêli taunŋ sa gêdêŋ Paulu ma sêbu eŋ ŋajaŋa, mago eŋ gêjam awa su ŋanôgeŋ gebe sê wama taunŋmaŋ. Lau tau sêwi nêŋ kisa siŋ, tec keto nê kêtú samuc ŋawae gêdêŋ êsêac gêja.

Papia ŋasêbu ŋamataŋa Paulu keto biŋ kêlêsa tau to kêlênsôn eŋ to gôlôac Korintŋa naŋ acgom, go gêwa eŋ keto nê biŋ ŋajaŋa kepeŋ lau, taŋ sêbu eŋ to sêli taunŋ sa gêdêŋ eŋ naŋ, ŋam sa e kêsôm nê têtac ŋajam lasê kêpi lau tau gebe taêŋ gêjam taunŋ e sêjam taunŋ ôkwi ma sê wama taunŋ, sêgôm kêtú nê papia ŋajaŋa tônêŋa. Go keteŋ gôlôac tau gebe sêkêŋ nêŋ da kapôêŋgeŋ sênam lau buŋa ŋalêlôm sawa aŋga Judaia naŋ sa. Gocgo kêkac biŋ su tau ma gêwa nê sakiŋ sa gebe aposolo ŋanô teŋ eŋ. Eŋ keto biŋ tonanŋ gêdêŋ Korintwaga luagêcgeŋ, taŋ sêbu Paulu gebe aposolo dansanŋ eŋ ma sêboa taunŋ sa sebe aposolo ŋanô êsêac taunŋgeŋ naŋ.

Ŋadênaŋ

1. Paulu gêjac m papia tau 1:1-11
2. Paulu tau to gôlôac Korintŋa nêŋ biŋ 1:12-7:16
3. Da kêtú lau buŋa Judaiaŋa 8:2-9:15
4. Paulu kêpuc biŋ su tau to gêwa tau sa gebe aposolo ŋanô teŋ eŋ 10:1-13:10
5. Paulu gêjac mata nê papia 13:11-14

Paulu gêjac m nê papia ma gêjam danje Anôtô

¹ Kilisi Jesu nê aposolo aê, Paulu, tañ Anôtô kêkalem aê nañ, agêc lasic Timote, aêagêcma biñ êndên Anôtônê gôlôac amac, tañ anğôn Korinti to êndên Anôtônê lau samob, tañ ajam Akaia aucgen anğôn nañ. ² Tameñi Anôtô agêc Apômtau Jesu Kilisi nêñ moasiñ to biñmalô êndên amac êwac.

³ Talanem Anôtô, aêacnên Apômtau Jesu Kilisi tama eñ. Aêac Tameñi eñ, tañ kêtü taê walô ñatau to gêjam malô samob ñaAnôtô. ⁴ Eñ gêjam malô aêac gêdên tañ nêñ gêñwapac tokaiñ-tokaiñ kêtap aêac sa nañ, e tañ tatôm gebe tanam malô êsêac, tañ sêmoa gêñwapac tokaiñ-tokaiñ ñalêlôm nañ, ña biñmalô, tañ Anôtô gêjam malô aêac tañ nañ. ⁵ Kilisinê ñandan mênkêsalê aêac auc, mago Kilisinê gêjam malô aêacña mênkêsalê aêac auc amboac tonanjen. ⁶ Aêac embe aóc gêñwapac, go aóc êtu ênam malô amac to ênam amac kêsiña. Ma Anôtô embe ênam malô aêac, go êngôm êtu ênam malô amacña, gebe êngôm nêñ ñalêlôm ñajaña êsa e aóc gêñwapac totêmtac êpa sugen atôm aêac aóc gêñwapac tau tonanjen. ⁷ Aêac taên kêka amac amoa ma ajala gebe amac, tañ aêc gêñwapac awiñ aêac nañ, awê kaiñ Anôtônê gêjam malô aêacña awiñ amboac tonanjen.

⁸ O lasitêwaac, aêac abe ansañ gêñwapac, tañ kêtap aêac sa anğa Asia nañ, auc êndên amac atom. Gêñwapac tau kêlêlêc aêacma ôliñwalô su ma kêkônin aêac tön ñanôgen e atañ tañ gebe atu lau gêbacgac. ⁹ Aêac tañ asaê gebe sêkic aêacma biñ sugac. Mago gêñ tau gêgôm aêac kêtü êwa ma kauc sanja gebe taên êka tañ ma tekwen saki atom, taên

êka Anôtô, tañ gênu ñacmatê dêdi sa nañ taugen. ¹⁰ Eñ gêjam aêac kêsi anğa gêmác ñañaclai ônê ma oc ênam aêac kêsi. Aêac akêñ maten engeñ gebe ênam aêac kêsi êtiam. ¹¹ Ma amac anam aêac sa aten mec êtu aêacña êwiñmañ. Anôtô oc êñô lau taêsam nêñ mec, ma en êmoasiñ aêac e lau taêsam sênam danje en êtu aêacña.

Paulu kêtú ñacley lau Korinti sebery atom nañ ñam

¹² Aêacma waen ñam tau tonec gebe aêacma awa ñalêlômña gêwa sa gêdêñ aêac gebe asa ma lêñ amoa nom atôm Anôtônê lau tolanôñnêm sawagen. Kauc ñamalacña gêjam gôliñ aêac atom, Anôtônê moasiñ gêjam gôliñ aêac. Ma lêñ tau tonañ aêac asa ajac ñawaegen gêdêñ amoa awiñ amac amboac tonanjen. ¹³ Gebe aêac ato biñ kaiñ ten gêdêñ amac atom, ato biñ, tañ amac atôm gebe asam to ajala nanjen. Aê taêc kêka gebe oc ajala biñ tau tomalagen, ¹⁴ amboac ajala aêacma biñ ñatênagen su gebe êndêñ Apômtau Jesu nê bêc aêac atu nêm waem ñam, amboac amac atu ma waen ñam.

¹⁵ Aê taêc gêjam biñ tonañ kêtú tôngac, tec gabe jandêñ amac jawac êmuñ acgom, gebe atap moasiñ sa êtu dim luagêc. ¹⁶ Aê gabe jasa amacnêm gamênñagen jana Makedonia. Ma anğa Makedonia gabe jamu jandêñ amac jawac êtiam, gebe anam aê sa ma akêñ aê jana Judaia. ¹⁷ Aê gabe jasa ñoc lêñ amboac tonañ, tec taêc gêjam biñ paliñpaliñgen me. Me gêñ, tañ taêc gêjam kêtú tôn gebe jañgôm nañ, oc taêc gêjam kêtôm kauc ñamalacña ma jasôm “aêc, aêc” to “masi, masi” êpi tagen me. ¹⁸ Anôtô en ñac ñañêñ, tec kêjala gebe aêacma biñ gêdêñ amac kêtú “aêc” to “masi” kêpi tagen nec atom, ¹⁹ gebe

Anôtônê Latu Jesu Kilisi, taŋ aêagêc Silwana ma Timote ajam mêtê kêpi eŋ gêdêŋ amac naŋ, nê biŋ aec to masl nec atom. Gêdêŋ taŋ Kilisi gêmêŋ naŋ, Anôtô gêlôc gebe “Aec.” ²⁰ Kilisi gêlôc gêdêŋ Anôtônê biŋ samob, taŋ gêjac mata naŋ. Kêtu tonanŋa aêac tasôm gebe “Biŋŋanô” kêtu Kilisiŋa gebe talambinŋ Anôtô. ²¹ ŋac taŋ kêpuc aêac to amac tônŋ tamoa dawinŋ Kilisi ma geŋ oso aêac naŋ, Anôtô tau. ²² Eŋ kepeŋ nê ŋatalô kêpi aêac, tec tatu ênê gêŋ, ma kakêŋ ŋalau Dabuŋ kêsêp aêacnêŋ ŋalêlôm kêtu ŋakamaclauŋ êtu gêŋ, taŋ gebe êkêŋ êndêŋ aêacŋa naŋ.

²³ Aê aoc gêjac Anôtô gebe mênêwa ŋoc ŋalêlôm sa êndêŋ amac gebe taêc walô amac, tec gaja Korinti atom tageŋ gebe jaŋgôm amac sec atom. ²⁴ Aêac atu amacnêŋ akêŋ gêwiŋ ŋataui atom, amac akêŋ gêwiŋ ŋajaŋa tec amoa. Tageŋ aêac abe anam kôm awinŋ amac gebe têtac ŋajam êsa.

2

¹ Aê taêc gêjam kêtu tônŋ gêc ŋôc ŋalêlômgeŋ gebe jandêŋ amac jawac atom, gebe jaŋgôm nêŋ ŋalêlôm ŋawapac êsa êtiam atom. ² Gebe aê embe jaŋgôm amacnêŋ ŋalêlôm ŋawapac êsa, asa oc êŋgôm aê têtac ŋajam êsa. Lau teŋ sêmoa gebe sêŋgômŋa atom, lau taŋ gagôm nêŋ ŋalêlôm ŋawapac kêsa nanŋeŋ. ³ Aê kato biŋ tonanŋ gebe aê embe jawac, go aŋgôm ŋoc ŋalêlôm ŋawapac êsa atom, gebe kôm tonec gêjac amac ŋawae gebe aŋgôm aê têtac ŋajam êsa. Aê kakêŋ gêwiŋ gebe aê embe jamoa totêtac ŋajamgeŋ, go amac samob amoa totêtac ŋajam amboac tonanŋeŋ. ⁴ Aê kato pa-pia tau tonanŋ gêdêŋ amac tonŋoc ŋalêlôm ŋawapac

to natutucgeŋ ma tomatocsulugeŋ. Aê kato kêtû janġôm nêŋ ŋalêlôm ŋawapac êsaŋa nec atom, kato gebe ajala aê têtac gêwiŋ amac ŋanôgeŋŋa.

Korinti sêsuc ŋac, taŋ gêgôm sec naŋ, nê biŋ ôkwi

⁵ Ŋac teŋ embe êli biŋ sa, oc êŋgôm aê tauc ŋoc ŋalêlôm ŋawapac êsa atom, êkêŋ wapac amacnêŋ ŋagêdô. Aê gabe jasôm gebe êkêŋ wapac êndêŋ amac samob nec atom, gabe jakôniŋ eŋ samucgeŋ atom. ⁶ Ŋac tau kêtap nê sec ŋagêjô aŋga lau taêsam nêŋ sa sugac, tec kêtôm. ⁷ Amboac tonanġ galoc asa ŋalêŋ teŋ ma asuc ênê biŋ ôkwi to anam malô eŋ gebe nê ŋalêlôm ŋawapac êlêlêc e êŋgôm tau paliŋ nec atom. ⁸ Kêtû tonanġŋa aê jalêŋ biŋ amac gebe êtôc nêŋ têmtac gêwiŋ eŋŋa ênêc awê êndêŋ eŋ êtiam. ⁹ Papiã taŋ kato gêdêŋ amac naŋ, ŋam tau tonec gebe jansaê amac gebe jajala amac oc taŋem wamu aêŋoc biŋ samob me masi. ¹⁰ Amac embe asuc ŋac teŋ nê biŋ ôkwi, aê oc jasuc ôkwi amboac tonanġ. Biŋ jasuc ôkwiŋa teŋ embe ênêc, oc jasuc ôkwi êtu janam amac saŋa jakô Kilisi lanġônêŋ. ¹¹ Aêac tanac jao taunġ êndêŋ Sadanġ gebe ênsau êc aêac atom. Aêac tajam kauc ênê gêŋlêlôm atom.

Paulu gêmoã Troas tonê ŋalêlôm natutucgeŋ

¹² Gêdêŋ taŋ gaô lasê Troas gabe jasôm Kilisinê ŋawae ŋajam lasê naŋ, galic gebe Apômtau gêlêc katam teŋ su gêdêŋ aê gebe janam kôm. ¹³ Mago gamoã totêtac malôgeŋ atom, ŋam gebe katap lasic Titi sa atom, tec kêkam êsêac lemeŋ ma gaja Make-donia.

¹⁴ Mago danġe êndêŋ Anôtô. Eŋ kêkêŋ aêac, taŋ Kilisi gêbiŋ aêac tôŋ naŋ, awaka ênê wae kêku ŋacjo tulunġ sa. Ma kêkêŋ aêac gebe aoc Kilisinê wae

lasê ênam gamêñ samob auc êtôm ñamalu ñajam, tañ gêjam gamêñ popoc nañ. ¹⁵ Gebe Anôtô gêlic aêac atu Kilisinê gêmalu amoa lau, tañ Anôtô ênam êsêac kêsi to lau, tañ sênaña nañ ñalêlôm. ¹⁶ Lau ñamakeñ sêñu amboac ñasu gêmacanôña, tañ gesenê sêac nañ. Lau ñamakeñ sêñu amboac ñamalu ñajam, tañ kêsa anga gamêñ sêñgôn maten jaliña ma kêkêñ êsêac sêñgôn maten jali. Asa kêtôm sakin amboac tonañ. ¹⁷ Aêac atulu Anôtônê mêtê amboac lau taêsam sêgôm kêtû awaña nañ atom. Anôtô kêsakin aêac, tec asôm ênê mêtê lasê tonjalêlôm ñawageñ akô Anôtô lanônêm, asôm kêtôm Kilisi gêbiñ aêac tônia.

3

Poac wakuc ñasakinwaga

¹ Galoc amac alic aêac amboac akian taun sa kêtiam me. Me moae aêac apô lêna papia êwa aêac sa êndên amacña, me apô lêna amacnêm papia êwa aêac sa êndên launja kêtôm lau ñagêdô sêkôc-sêkôc nec me. ² Aêacma papia êwa aêac saña nañ amac taôm. Papia tau tetô kêsêp aêacma ñalêlôm, lau samob têtôm gebe sêjala to sêsam. ³ Bin tau gêc awê gebe amac atu Kilisinê papia, tañ kêkêñ gêdên aêac gebe asakin. En keto papia tau ña busa kêsêp poc tapa atom, keto ña Anôtô mata jali nê Ñalau kêsêp ñamalacnên ñalêlôm.

⁴ Kilisi kêwaka aêac akên gêwiñ sa e ôliñ andan Anôto, tec asôm tonañ. ⁵ Aêac taun atôm gebe taun taên ênam bin to anam kôm amboac tonañ atom. Aêac atôm kôm tau nañ ñam kêsêp Anôtônageñ. ⁶ En kêpuc aêac tônia e atu poac wakuc ñasakinwaga. Poac wakuc tau ñam kêsêp bin su tetonja atom, kêsêp

Ŋalau, gebe biŋsu tetonja tec gesen ŋamalac su, mago Ŋalau k  k  n   s  ac s  ng  n maten jali.

⁷ Biŋsu taŋ An  t   keto k  s  p poc naŋ, m  n  k  sa tonjawasigen e lau Israel t  t  m gebe s  lic Mose laŋ  an   atom k  tu ŋawasi, taŋ g  jam laŋ  an   auc naŋna. Tagen ŋawasi tau tonan g   su k  tiam. Biŋsu taŋ k  tu g  macan   ŋasakinwaga embe   m  n tonjawasi amboac tonan, ⁸ go ŋawasi, taŋ   sap sakin Ŋalauŋa t  n naŋ, oc   l  l  c su. ⁹ Sakin taŋ k  m  t  c ŋamalac gebe s  naŋa naŋ, k  tap ŋawasi sa, ma sakin, taŋ k  masaŋ ŋamalacn  n biŋ e An  t   g  lic   s  ac t  tu lau g  d  n naŋ, k  tap ŋawasi sa k  l  l  c su atom me. ¹⁰ Tec ŋawasi   n  na embe tanam d  n   pi ŋawasi tonec, oc talic gebe ŋawasi ŋan   atom, ŋam gebe sakin tonec ŋawasi k  l  l  c n  nŋen su. ¹¹ Embe g  n, taŋ    su naŋ,   tap ŋawasi amboac tonan sa, go g  n, taŋ   n  c tenŋenŋa naŋ,   tap ŋawasi sa   l  l  c su.

¹² A  ac ak  n maten biŋ amboac tonan, tec amoa tot  ntac k  pa sugen. ¹³ A  ac at  m Mose atom. En g  saŋ laŋ  an   ŋa obo auc, gebe lau Israel s  lic ŋawasi    su   naŋa aŋga laŋ  an   naŋ atom. ¹⁴ Ma   s  acn  n ŋal  l  m ŋadani k  sa. K  t  m t  m s  sam poac laŋgwa ŋabiŋ, go obo tonan g  saŋ biŋ auc ŋapaŋ e m  n  g  d  n galoc, s  k  c obo tau su atom, gebe Kilisi taugen k  t  m gebe   kac obo tau su. ¹⁵ Biŋŋan  , k  t  m t  m samob, g  n s  sam Mosen   biŋ las   naŋ, obo tau tonan g  saŋ   s  acn  n ŋal  l  m auc e m  n  g  d  n galoc. ¹⁶ Mago Israel embe s  nam taun   kwi   nd  n Ap  mtau, go   kac obo tau su. ¹⁷ Ap  mtau en Ŋalau. Ma Ap  mtaun   Ŋalau embe   moa   wiŋ ŋamalac, go   nɡamboac   s  ac su s  moa n  n l  t  gen. ¹⁸ A  ac tec obo g  saŋ a  ac laŋ  n  n  

auc atom nec, tatôm tasalakatu, tañ Apômtaunê ñawasi jakêpô lau e Apômtau Ñalau êkêñ aêac tapô taunñ ôkwi tatôm enñ tau katu ma tawê kainñ ñawasi to ñawasi.

4

Anôtônê awamata kêsêp kunom

¹ Anôtô taê walô aêac, tec kêkêñ sakinñ tonañ gêdêñ aêac. Amboac tonañ aêac tatu golonñ atom.

² Aêac akac taunñ su anğa gêñ, tañ kêsiniñ tau ma kêtôm gebe êngôm aêac majenñ êsanja nañ. Aêac asêlêñ asa lêñ dansañ atom ma ajam Anôtônê biñ ôkwi atom. Aêac aoc biññanô lasê akô Anôtô lanjonêm e awaka taunñ sa gêdêñ lau samob, tañ sêkêñ tanenñ nêñ awa ñalêlôm ña nañ.

³ Ñawae ñajam, tañ ajam nañ, embe êsinñ tau, go êsinñ tau êndêñ lau, tañ oc sênanja nanğenñ.

⁴ Êsêac sêkêñ gêwiñ atom gebe nom tonec ñañatausêga gêsañ nêñ ñalêlôm auc e ñakesec kêsâ ma sêlic ñawê, tañ kêsâ anğa ñawae ñajam nañ atom. Ñawae ñajam tau gêwa Kilisi, tañ kêtû Anôtô katu solop nañ, nê ñawasi sa.

⁵ Gebe aêac ajam mêtê kêpi aêac taunñ atom, awa Jesu Kilisi sa gebe enñ Apômtau ma aêac taunñ gebe atu amacnêm saki ñwaga katu Jesunja.

⁶ Anôtô tañ kêsôm gebe ñawê êsa anğa ñakesec nañ, kêkêñ aêacma ñalêlôm ñawê kêsâ. Ñawê tau ñam kêsêp ajala Anôtônê ñawasi, tañ gêc Kilisi lanjonanô nañ.

⁷ Mago awamata, tañ awê kainñ nañ, kêsêp aêacma ñalêlôm amboac kêsêp ku, tañ sêpac ña nom nañ, gebe ñaclai ñamôkê ênêc awê gebe anğa aêac taunñ ma atom, anğa Anôtônêgenñ.

⁸ Gêñwapac tokainñ-tokainñ kêlêsuc aêacgenñ, mago kêlêsa aêac

popoc atom. Aêac aê go tauņ, mago katuņ gêbac atom. ⁹ Lau sêjanda aêac, mago Anôtô gêwi aêac siņ atom. Sêku aêac tulu, mago sesen aêac su atom. ¹⁰ Aêac aôc Jesu gêmac êndu kêpi aêac ôliņ ņapaņ, gebe Jesu gêmoa mata jali eoc tau lasê êpi aêac ôliņ amboac tonanņeņ. ¹¹ Aêac amoa maten jali, mago asa paņ gêmac ņalêndaņ ņapaņ kêtû Jesuņa, gebe Jesu gêmoa mata jali eoc tau lasê êpi aêac ôliņ mêtê-mêtê. ¹² Amboac tonanņ ņaclai tamac ênduņa gêjam kôm kêpi aêac, ma ņaclai danğôņ maten jaliņa gêjam kôm kêpi amac.

¹³ Teto gec gebe “Aê kakêņ gêwiņ tec kasôm lasê.” ņalau taņ kakac ņac tonanņ e kêkêņ gêwiņ naņ, kêkac aêac amboac tonanņeņ. Tec aêac akêņ gêwiņ ma asôm lasê amboac tonanņ. ¹⁴ Aêac ajala gebe ņac taņ gêņu Apômtau Jesu gêdi sa naņ, oc êņu aêac andi sa awiņ Jesu to êkêņ aêac awiņ amac takô eņ laņônêmņa. ¹⁵ Biņ samob tonanņ kêsa kêtû amacņa. Anôtônê moasiņ embe ênam sêga anğa launêņ, go êsêacnêņ mec danğeņa êtu dani êlêlêc e Anôtônê ņawasi êsa.

Tasa nêņ leņ totakêņ êwiņeņ

¹⁶ Amboac tonanņ aêac atu goloņ atom. Aêac ôliņ embe êtu sec, ma êtu sec. Mago aêacma ņalêlôm êtu wakuc êtôm bêcgeņ, ¹⁷ gebe ma gêņwapac gêgôm aêac têlageņ ma asaê amboac ņagaô naņ, êkêņ ņawasi tengeņņa kapôeņ êlêlêc gêņwapac su ņêņgeņ. ¹⁸ Aêac maten gê gêņ, taņ maten anô talic sapu naņ, gebe gêņ, taņ maten anô talic naņ, ê su, mago gêņ, taņ talic sapu naņ, oc ênêc tengeņ.

5

¹ Aêac ajala gebe aêacma bec nomŋa tonec embe etoc su, go Anôtô êkêŋ andu teŋ êndêŋ aêac. Andu tau, taŋ ŋamalac sêkwê ŋa lemeŋ atom naŋ êkô undambê teŋgeŋ. ² Amboac tonan aêac aeŋ oliŋ to ajam aweŋ su ma andu undambêŋa gebe êkwa aêac auc. ³ Embe êkwa aêac auc, go têtap aêac sa toôliŋ ŋaôma atom. ⁴ Aêac aŋgôŋ bec ôliŋŋa tonec amoa, tec aeŋ oliŋ tauŋ toma ŋalêlôm ŋawapacgeŋ. Aêac abe akwalec bec tau tonec su atom, abe asô bec undambêŋa êkwa aêac auc êwiŋ, gebe gêŋ mata jali tau mênênam gêŋ mêtê-mêtê auc. ⁵ Ŋac taŋ kêmasan aêac kêtû gêŋ tonanŋa naŋ, Anôtô tau, ma kêkêŋ Ŋalau gêdêŋ aêac kêtû ŋakamaclaun.

⁶ Amboac tonan aêac têtac kêpa su ŋapan ma ajala gebe têm, taŋ amoa ôliŋgeŋ naŋ, kêtôm amoa gamêŋ jaba ma amoa jaêc Apômtau. ⁷ Aêac alic ŋanô atom, ma akêŋ gêwiŋgeŋ ma tec asa ma lêŋ. ⁸ Aêac têtac kêpa sugen ma têtac gêwiŋ kêlêlêc gebe awi ôliŋ tonec ŋabec siŋ ma aŋgôŋ ma malacmôkê awiŋ Apômtau. ⁹ Aêac amoa ma malacmôkê me amoa jaêc, tec atu kêka-kêka gebe Anôtô êlic aêac ênac mataanô ŋajam. ¹⁰ Gebe aêac samob oc tatu awê natakô Kilisinê lêpôŋ mêtôcŋa nêmŋa, gebe aêac samob êndêŋ-êndêŋgeŋ tatap ŋagêjô sa êjô ŋajam to sec, taŋ dagôm gêdêŋ têm tamoa toôliŋgeŋ naŋ.

Sakiŋ daê wamanŋa

¹¹ Aêac ajala biŋ atêc Apômtauŋa ŋam tec ajam kôm kêpi lau gebe sênam tauŋ ôkwi. Anôtô kêjala aêacgac ma aê taêc kêka gebe amac ajala aê gêc nêm ŋalêlôm amboac tonanŋeŋ. ¹² Aêac abe

awaka tauŋ waen sa êndêŋ amac êtiamêtiam atom. Aêac abe êkêli amac e awaka aêac sa atu amac waem ŋam gebe amac ajô lau, taŋ tetoc tauŋ sa gêŋ dêmôêŋaŋa, mago têtôm gebe tetoc tauŋ sa gêŋ ŋalêlômŋa atom nan awen. ¹³ Aêac embe amoa atôm lau meloc, go amoa amboac tonan êtu Anôtôŋa me embe amoa tokauc ŋawa, go amoa amboac tonan êtu amacŋa. ¹⁴ Kilisinê têtac gêwiŋ ŋanô kêkac aêac, tec aêac ajala gebe ŋac tagen gêmac êndu kêtû lau samobŋa, amboac tonan tec kêtôm lau samob sêmac êndu sugac. ¹⁵ En gêmac êndu gêjô lau samob su gebe lau, taŋ sêmoa materŋ jali nan, sêmoa materŋ jali êtu sêmoasiŋ tauŋŋa atom, sêmoa êtu sênam sakiŋ ŋac, taŋ gêmac êndu gêjô êsêac ma gêdi sa nanŋagen.

¹⁶ Amboac tonan aêac ajam dôŋ ŋac ten ŋa lêŋ ŋamalacŋa kêtiam atom. Gêmunŋen tec ajam dôŋ Kilisi ŋa lêŋ ŋamalacŋa, mago galoc ajala en amboac tonan kêtiam atom. ¹⁷ Amboac tonan ŋac ten embe Kilisi êmbiŋ en tôŋ, go êtu gêŋ wakuc ten. Alic acgom, gêŋ lanŋwa gêjaŋa su ma gêŋ wakuc mêŋkêsa. ¹⁸ Gêŋ samob tonan ŋam Anôtô, taŋ kêkêŋ Kilisi gebe ê wama aêac êndêŋ tau ma kêkêŋ sakiŋ wamaŋa gêdêŋ aêac. ¹⁹ Anôtô gêmoea gêwiŋ Kilisi ma gê wama ŋamalac samob gêdêŋ tau. En taŋ gêjam nêŋ geo kêtiam atom ma kêkêŋ aêac asôm Anôtô gê wama ŋamalacŋa ŋawae lasê. ²⁰ Kilisi kêsakiŋ aêac gebe ajô en su ma Anôtô kêkêŋ aêac gebe alêŋ biŋ amac. Tec aten amac ajô Kilisi gebe Ansuŋ taôm êndêŋ Anôtô gebe ê wama amac êndêŋ tau. ²¹ Kilisi gêjam kauc sec, mago Anôtô kêkêŋ en kêtû sec ŋam gêjô aêac su gebe aêac, taŋ Kilisi gêbiŋ

aêac tôᶇ naᶇ, tawê kainᶇ Anôtônê binᶇêdêᶇ.

6

¹ Aêac taᶇ ajam kôm awiᶇ Anôtô naᶇ, alêᶇ binᶇ amac gebe Akôc Anôtônê moasiᶇ sa ᶇaômagenᶇ atom. ² Anôtô kêsôm gebe

“Aê kakêᶇ taᶇoc aôm gêdêᶇ noc ᶇajam ma gajam aôm sa gêdêᶇ bêc gajam aôm kêsiᶇa.” Alic acgom, galoc noc ᶇajam tau, galoc bêc gêjam aêac kêsiᶇa.

³ Aêac agôm gêᶇ teᶇ, taᶇ kêlênsôᶇ lau naᶇ atom, gebe sêmbu aêacma sakiᶇ atom. ⁴ Gêᶇ samob, taᶇ agôm naᶇ, kêwaka aêac sa gebe atu Anôtônê sakiᶇwaga. Aêac aôc gêᶇwapac totêntac kêpa sugenᶇ ma amoa toma ᶇalêlôm ᶇawapac. Aêac apô lêna taunᶇ to aᶇᶇôᶇ jageo. ⁵ Êsêac sêjac aêac to sêkêᶇ aêac aᶇᶇôᶇ kapoacwalô. Aêac asêp lau sêli awenᶇ sa to ᶇaonda ᶇalêlôm. Aêac ajam koleᶇ aim taunᶇ sugenᶇ. Aêac aêc bêc atom to mo gêjô aêac. ⁶ Aêac amoa toma ᶇalêlôm ᶇawa to ajala binᶇ ᶇam. Aêac aê launêᶇ binᶇ tôᶇ ma amoa totêntac wapôm geᶇ. ᶇalau Dêbuᶇ gêwê aêac ma têntac gêwiᶇ totêntac makenᶇgeᶇ. ⁷ Aêac asôm binᶇᶇanô lasê ma Anôtônê ᶇaclai kêpuc aêac tôᶇ. Binᶇêdêᶇ ᶇalaukasap kêkêli aêac to gêjam aêac kêsi. ⁸ ᶇagêdô tetoc aêac sa ma ᶇagêdô sêgôm aêac majenᶇ. ᶇagêdô sêsôm aêac waenᶇ sec, ᶇagêdô sêsôm waenᶇ ᶇajam. ᶇagêdô sêsôm aêac gebe dansaᶇtêna, mago asôm binᶇᶇanôgeᶇ. ⁹ Aêac amoa amboac lau sêjam kauc aêac, mago sêjala aêac kêtu tôᶇ. Aêac amoa amboac amac êndu, mago amoa matenᶇ jaligac. Êsêac sêkic aêacma binᶇ, mago sêjac aêac êndu atom. ¹⁰ Aêac amoa amboac lau

tonjalêlôm ñawapac, mago amoa totêntac ñajamgen ñapañ. Aêac amoa amboac lau ñalêlôm sawa, mago amoasiñ lau taêsam. Aêac amoa amboac gêñ ten gêc aêacña atom, mago atu gêñ samob ñatau.

¹¹ O amac lau Korinti, aêac asôm ma biñ gêdêñ amac gêc awêgeñ to êlêc ma ñalêlôm ñakatam su gêdêñ amac. ¹² Aêac agamiñ ma ñalêlôm gêdêñ amac atom, mago amac agamiñ nêñ ñalêlôm gêdêñ aêac. ¹³ Akêñ ñajam êjô ñajammañ. Aê kasôm ñoc biñ gêdêñ amac amboac kasôm gêdêñ ñoc ñapalê. Alêc nêñ ñalêlôm ñakatam su êndêñ aêac.

Aêac tatu Anôtônê lôm dabuñ

¹⁴ Ambiñ taôm tôñ tamiñ lau-sêkêñgêwiñ-atomwaga to anam kôm awiñ êsêac atom. Biñgêdêñ agêc biñ geo sênam kôm sêwiñ tauñ amboac ondoc. Ñawê agêc ñakesec sêsêlêñ sêwiñ tauñ amboac ondoc. ¹⁵ Kilisi agêc Sadañ nêñ biñ kêpi tagen me. Ñac tañ kêkêñ gêwiñ agêc ñac, tañ kêkêñ gêwiñ atom nañ, sêwê kaiñ gêñ tagen amboac ondoc. ¹⁶ Anôtônê lôm dabuñ ma lôm gwamña ñam tagen me. Amac ajala gebe aêac tatu Anôtô mata jali nê lôm dabuñ kêtôm Anôtô tau kêsôm gebe “Aê jakwê ñoc andu sa jañgônñ jawiñ êsêac to jasêlêñ jamoa êsêac ñalêlôm.

Aê oc jatu êsêacnêñ Anôtô to êsêac oc têtü aêñoc lau.

¹⁷ Tec akac taôm su aña êsêacnêñ ma êñgamiñ taôm êndêñ êsêac.

Apômtaunê biñ tau tonañ.

Amoasac gêñ ñatêmui atom, go jakôc amac sa

¹⁸ ma jatu amac Tamemi ma amac atu aê latucio to ñac.

Apômtau ñaniniñ Natau nê biñ tau tonañ.”

7

¹ O lauace, Anôtô gêjac mata biñ gêdêñ aêac, tec takwasin ôlinj to ñalêlôm ñajec samob su ma tanac dabinj taunj tatu lau dabunj tasa nêñ lêñ totat c Anôtôgeñ.

Lau Korinti sêjam taunj ôkwi, tec Paulu têtac ñajam kêsa

² Akêñ ñasawa êndêñ aêac anja nêñ ñalêlôm. Aêac agôm keso gêdêñ ñac tenj atom, asenj ñac tenj su atom ma awê ñac tenj auc kêtû nê awañja atom. ³ Aê kasôm biñ tonañ gebe jamêtôc amacña atom. Aê kasôm biñ gêmunj su gebe aêac têtac gêwinj amac ñanôgeñ, tec tamoa materj jali dawinj taunj, ma tamac êndu dawinj taunj amboac tonanjenj. ⁴ Aê taêc kêpa amac su kasôm amac waem kêtû tapa. Gêñwapac gêgôm aêac ñanô, mago Anôtô gêjam malô aêacña gêjam aê auc to têtac ñajam kêsalê aê auc.

⁵ Gêdêñ tañ aô lasê Makedonia su nanj, ñasawa alêwanj taunja tenj gêc atom, gêñwapac kêkôm aêac aucgenj. Aêac ôlinj kêtap sinj sa ma atêc taunj gêc ma ñalêlôm. ⁶ Mago Anôtô, tañ gêjam malô lau-ñalêlôm-ñawapacwaga nanj, kêsakinj Titi mêngeô lasê aêac tec gêjam malô aêac amboac tonañ. ⁷ Titi mêngeô lasê aêac tagenj tec gêjam malô aêac nec atom, amac ajam malô enj ñawae nanj mêngejam malô aêac gêwinjoc. Enj gêjac minj gêdêñ aêac gebe ajam awem su aê to atanj aê ma nêñ ñalêlôm kêkac amac aêña, tec têtac ñajam kêlêlêc.

⁸ Aê têtac sec gêdêñ tauc ñanô kêtû ñoc papia, tañ kato gagôm amacnêñ ñalêlôm ñawapac kêsaña

nañ atom. Aê galic papia, tañ kato e gêgôm amacnêm ñalêlôm ñawapac kêsa têlagen nañ ma têtac sec gêdêñ tau ñagec. ⁹ Ma galoc aê têtac ñajam kêsa. Têtac ñajam kêtú nêñ ñalêlôm ñawapac kêsa samucgeñña nec atom kêtú amacnêm ñalêlôm ñawapac kêsa e ajam taôm ôkwiña. Amacnêm ñalêlôm ñawapac kêsa ñam kêsêp Anôtô, abacma biñ gêgôm amac atu sec atom. ¹⁰ Gebe ñalêlôm ñawapac, tañ ñam kêsap Anôtôña nañ, êkac aêac e tanam taun ôkwi natatap moasiñ Anôtô ênam aêac kêsña sa. Ñalêlôm ñawapac tonañ êkêñ wapac lau teñ êtiam atom. Mago ñalêlôm ñawapac, tañ ñam kêsêp nomña nañ, tec êkêñ aêac tamac êndu. ¹¹ Alic acgom, nêñ ñalêlôm ñawapac, tañ ñam kêsêp Anôtô nañ, kêkac amac kôm tokaiñ-tokaiñña. Kêkêñ amac ôlim kêpi kêtú amansañ nêñ biñña ma alic kesowaga sec. Amac atêc taôm to ajam awem su aê ma nêñ ñalêlôm kêkac amac kêtú aêña. Ma amac amêtôc sec. Amacnêm kôm samob tonañ kêwaka amac sa gebe awê biñ tau ñakaiñ teñ atom. ¹² Amboac tonañ aê kato gêdêñ amac, mago kato kêtú ñac, tañ gêgôm keso me kêtú ñac, tañ sêgôm eñ sec nañña atom. Masi. Aê kato gebe jakêli amac e ôlim palê aêacña ênêc awêgeñ ma amac taôm ajala akô Anôtô lanônêmña. ¹³ Biñ tonañ gêgôm aêacma ñalêlôm kêtú malô.

Mago tonanğen atom. Titi têtac ñajam gebe amac samob alau ênê ñalêlôm ñawasi kêsa. Ma ênê têtac ñajam gêgôm aêac têtac ñajam kêsa samucgeñ. ¹⁴ Aê kalanem tauc gêdêñ Titi kêtú amacña, ma amac agôm aê majoc kêsa atom. Biñ samob, tañ asôm gêdêñ amac nañ biññanô, tec ma biñ lanemña, tañ asôm gêdêñ Titi nañ, biññanô amboac tonanğen.

15 Titi k  k  n   n     al  l  m samucge   g  d  n   amac gebe ta   g  jam l  n amac ak  c e   sa  a. Amac ta  nem wamu e     ape   ma ak  c e   sa toat  c ta  m ma at  n  p. 16 A   t  tac   jam to t  tac k  pa su k  tu amac  a samucge  .

8

Tanam An  t  n   lau sa

1 O lasit  waac, a  ac anac An  t  n   moasi  , ta   k  k  n   g  d  n   g  l  ac dabu   Makedonia  a na  ,   ami     nd  n   amac a  o acgom. 2 G  n  wapac k  k  ni     s  ac, mago s  puc tau   t  n ma s  moa tot  ntac   jam samucge  .   s  ac lau   al  l  m sawaan  , mago s  k  n   da tot  ntac wap  mge   s  jac   awae. 3 A   galic, tec jawa sa enden amac gebe tau   n  n   al  l  m k  kac   s  ac tec s  k  n   da k  t  m g  n, ta   g  c   s  ac  a ma s  k  n   k  l  l  c su. 4   s  ac teten a  ac   pa   gebe al  c ma s  w   kai   saki   s  nam An  t  n   lau sa  a s  wi  . 5   s  ac s  k  n   da k  t  m a  ac ta  n k  ka necge   atom,   s  ac s  k  n   tau   samucge   d  d  n   Ap  mtau g  mu  , ma An  t   k  puc   s  ac t  n, go s  k  n   tau   g  d  n   a  ac amboac tonan  n. 6 Tec a  ac asaki   Titi, ta   g  mu  nge   g  jac m moasi   tonan   akolen na  , gebe   nac dabi   k  m tau an  a amacn  m. 7 Amac atu lau tol  l  m g  n samob tonec   ai  a, ak  n gawi  , as  m m  t  , ajala bi  , ajam k  m to  lim pal  ge   ma t  mtac g  wi   a  ac, tec galoc atu lau tol  l  m amoasi   An  t  n   lau  a   wi  man  .

8 A   gabe jakac amac atom. Lau   ag  d   s  g  m to  li   pal  ge  , tec gabe jansa   amac gebe oc t  mtac g  wi     an   amboac tonan me masi. 9 Amac ajala a  acn  n Ap  mtau Jesu Kilisi n   moasi  nac. E     ac

tolêlôm, mago kêtû ñac ñalêlôm sawa kêtû amacña, gebe ênê ñalêlôm sawa tonañ êkêñ amac atu lau tolêlôm. ¹⁰ Aê jawa ñoc taêc gêjam sa êpi biñ tau acgom. Biñ tonec oc êmoasiñ amac. Gêdêñ jala lañgwa amac ajac m kôm tau, mago ajam ñaômagen atom, têmtac gêwiñ ñanôgen tec ajam. ¹¹ Amboac tonañ galoc anac dabiñ kôm tau ma anğôm biñ, tañ nêñ ñalêlôm êkac amacña nañ, ñanô êsa ña gêñ, tañ gêc amacña nañ. ¹² Embe nêñ ñalêlôm êkac amac ma akêñ êtôm gêñ, tañ gêc amacña, go Anôtô êlic ñajam. Akêñ gen, tañ taôm apô lêna amoa nañ atom. ¹³ Aê taêc gêjam biñ tonec gebe lau ñagêdô sêmoa ñajam ma sêlêwan taunğen ma amac aôc gêñwapac nec atom. Amac samob atôm taômgen. ¹⁴ Galoc tonec amacnêñ gêñ taêsam gêc, tec anam êsêacnêñ sêpô Iênaña sa. Ma êsêacnêñ gêñ ñagêdô embe ênêc, go sênam amacnêñ apô lênaña sa amboac tonañ ma amoa atôm taômgen. ¹⁵ Êtôm biñ, tañ teto gêc gebe

“Ñac tañ kejoñ mana taêsam nañ,
nê mana kêlêlêc su atom.
Ma ñac, tañ kejoñ luagêc nañ,
kêpô lêna atom.”

Titi to nê launêñ biñ

¹⁶ Aê gajam danğe gêdêñ Anôtô gebe kêkac Titinê ñalêlôm e ôli palê kêsa kêtû amacña ma gêgôm kêtôm aê gagôm. ¹⁷ Aêac alêñ biñ ñac tau tec kêkêñ taña ma tau ôli palê kôm tonañña e nê ñalêlôm kêkac en ma gêdêñ amac gêwac. ¹⁸ Aêac asakiñ lasiñi teñ, tañ gôlôac dabuñ samob sêñô en gêjam mêtê ñajam ñawae nañ, tec gêwiñ en gêwac. ¹⁹ Mago kêtû tonaññagen atom, gôlôac dabuñ samob sêjalin

en sa gebe êsêlêñ to ênam sakinj êwiñ aêac êtu moasinj tonañña, gebe Apômtaunê wae êsa to êwaka aêacma têntac gêwiñ kôm tonecña sa. ²⁰ Aêac agôm tonañ gebe lau tenj sêngolinj binj êpi aêac êtu moasinj kapôêñ, tec aêac akôc necña atom. ²¹ Aêac taêñ gêjam gebe anjôm ma gêñ ñapep sawa êtu Apômtau taugenj êlicña atom, anjôm êtu ñamalac sêlicña amboac tonañgenj. ²² Ma aêac asakinj lasinj tenj gêwiñ. Aêac asaê enj kêtü dim taêsam kêtü kôm ñagêdôña ma alic enj gêgôm gêñ toôli palêgenj. Enj taê kêpa amac su, tec ôli palê kêsa amacña. ²³ Titi tau tec jawa enj sa gebe ñoc ñac enj, nanj gêjam kôm kêpi amac gêwiñ aê. Ma aêac lasinjagêc têtü gôlôac dabunj nêñ aposolo sêwaka Kilisinê wae sanja. ²⁴ Atôc nêmtac gêwiñ êndêñ êsêac ma awaka aêacma binj lanemña, tanj asôm kêpi amac nanj sa, gôlôac samob sêjala gebe binjñanô.

9

Tanam Anôtônê lau sa

¹ Sakinj tanam Anôtônê lau sanja tau gêc awê, tec jato ñabinj êndêñ amac êtiam atom. ² Aê kaja gebe nêmtac ñalêlôm kêkac amac sakinj tonañña, tec kalanem amac gêdêñ lau Makedoniaña ma kasôm gebe “Lau Akaiaña sêmasanj taunj kêtü sakinj tonañña gêdêñ jala lanjwa sugac.” Amac waem ôlim palaña tonañ kêkêli lau taêsam ma sêkôc kôm tau sa amboac tonañgenj. ³ Galoc jakinj lasitêwai tonañ sêwac, gebe binj, tanj kalanem amac nanj, êwaka tau sa gebe binjñanô, tec amac amansanj taôm êtôm aê kasôm. ⁴ Aê embe jawinj lau Makedoniaña ñagêdô jawac ma jatap amac sa gebe amansanj

taôm su atom, oc êngôm aêac, tañ taêñ kêka amac nañ, majen ñanô. Aê gabe jasôm biñ êpi amac majem êsaña nec atom. ⁵ Kêtu biñ tonanña aê taêc gêjam kêtu tôñ gebe janac biñsu lasitêwai tonan, gebe sêsêlêñ sêmuñ sêndêñ amac sêwac ma sênac dabiñ moasiñ, tañ amac akêñ ñawae gebe asakiñ nañ kwananjen. Embe anac dabiñ taôm amboac tonan, go êwa moasiñ tau sa gebe akêñ kêtu aêac akac amacña atom, taôm nêñ ñalêlôm kêkac amac tec akêñ.

⁶ Taêm ênam tonac acgom. Ñac tañ kêsê ñawê luagêcgen nañ, oc ejoñ ñanô luagêcgen sa. Ma ñac, tañ kêsê ñawê taêsam nañ, oc ejoñ ñanô taêsam sa. ⁷ Lau samob sêkêñ atôm nêñ ñalêlôm êkac êsêacña, sêkêñ totêntac secgen êtu sêkac êsêacña atom, gebe Anôtô têtac gêwiñ ñac, tañ kêkêñ totêntac wapômgen nañ. ⁸ Anôtô kêtôm gebe êkêñ moasiñ samob ênam amac auc, gebe atap nêñ gêñ êôc amac tôñña sa ñapan ma atap sa êlêlêc e atôm gebe anjom kôm ñajam samob, ⁹ kêtôm teto gêc gebe “Enj kêpalip nê gêñ gêdêñ lau ñalêlôm sawa.

Ênê biñgêdêñ oc ênêc endenj tôñgenj.”

¹⁰ Ñac tañ kêkêñ ñawê gêdêñ ñackêpalip-ñawêwaga to kêkêñ mo gebe enj êniñ nañ, oc êkêñ ñawê êndêñ amac amboac tonan ma êkêñ êtu taêsam e amacnêñ biñgêdêñ ñañanô êtu kapôên. ¹¹ Enj êkêñ amac atu lau tolêlôm gêñ samobña e atôm gebe akêñ gêñ totêmtac wapômgenj. Ma aêac anam amac sa e lau sênam danje Anôtô êtu nêñ moasiñ tonanña. ¹² Amac ajam kôm kêpi sakiñ tonan, tec gêjam Anôtônê lau sêpô lêna taunñagenj sa atom, êkêli lau taêsam sênam danje Anôtô. ¹³ Sakiñ tonan

êwaka amac sa ma êkêli lau sêlambij Anôtô êtu tanjem wamu to asôm Kilisinê ñawae ñajam lasêña ma êtu têmtac wapôm gêbij amac tôñ têminj êsêac to ñagêdô samobña. ¹⁴ êsêacnêñ mec, tanj tetenj kêtú amacña nanj, gêwa sa gebe sêjam awenj su amac kêtú moasinj kapôêñanô, tanj Anôtô kêkêñ gêdêñ amac nanña. ¹⁵ Danje êndêñ Anôtô êtu moasinj ñanô, tanj kêkêñ gêdêñ aêac ñaômagenj nanña. Aêac tatôm gebe dawa moasinj tau sa tomalagenj atom.

10

Paulu kêkac bij su tau

¹ Aê, Paulu, tauc jalêñ bi ñ amac êtu Kilisinê ñalêlôm ñajam to malôña. Lau sêsôm bij kêpi aê gebe aê embe jamoa jawiñ amac, oc jambu tauc, mago embe jamoa jaêc, oc jasôm bij ñajaña. ² Aê jatenj amac gebe Anjôm aê jasôm bij ñajaña êndêñ amac êndêñ tanj jamoa jawiñ amac nanj atom. Aê taêc gêjam kêtú tôñ gebe jasôm bij ñajaña amboac tonanj êndêñ lau ñagêdô, tanj taêñ gêjam gebe aêac asêlêñ asa lêñ ñamalacña. ³ Bijñanô, aêac ñamalac, tec asa ma lêñ, mago ajac siñ ña lêñ ñamalacña atom. ⁴ Aêacma siñ ñalaukasap ñam kêsêp nom atom, Anôtônê laukasap tau ñajaña kêtôm gebe anac siñ ma ansenj ñacionêñ tunbôm ñajaña su. Aêac ansenj ñamalacnêñ kauc keso, ⁵ to nêñ bij tetoc taunj saña, tanj gêsanj aêac auc e tajala Anôtô sapu nanj su. Ma êkônij bij samob, tanj taêñ gêjam nanj, tôñ e êsô Kilisinê bij ñalabu. ⁶ Aêac amasanj taunj su gebe êndêñ tanj amac anac dabiñ tanjem wamu su acgom, go aêac amêtôc tanjenj pêc samob.

⁷ Matem êndiņ gêņ, taņ gêc laņônêmņa naņ. Țac teņ embe êlic tau amboac Kilisinê Țac, naņ taê ênam ênêc tauņa êwiņ gebe aêac atu Kilisinê lau amboac tonañ atôm eņ. ⁸ Aê embe jalanem tauc êlêlêc su êtu Țaclai, taņ Apômtau kêkêņ gêdêņ aêac naņņa, oc majoc atom. Eo kêkêņ Țaclai amboa amac saņa, kêkêņ Țaclai anseņ amac suņa atom. ⁹ Taêm ênam gebe aê gabe jatakê amac Ța Țoc papia nec atom. ¹⁰ Lau Țagêdô sêsôm gebe “Ênê papia tec Țajaņa to Țatêkwa. Mago eņ tau embe êmoa êwiņ aêac, go talic eņ Țac palê-palê ma ênê biņ amboac Țanô masi.” ¹¹ Țac taņ kêsôm biņ tonañ naņ, taê ênam biņ tonec acgom gebe Aêac taņ amoa jaêc ma ato ma papia Țajaņa naņ, oc aņgôm biņ, taņ ato kêsêp papia naņ, Țanô êsa êndêņ taņ wacamo awiņ amac.

¹² Aêac abe akiaņ tauņ e naanam tamiņ lau ma anam dôn tauņ êpi êsêac, taņ tauņ sêwaka tauņ sa naņ, nêņ Țagêdô atom. Êsêac tonañ têt u tauņ nêņ dôn to sêjam dôn tauņ kêpi tauņ e nêņ kauc kêlênsôn. ¹³ Aêac tonec abe alanem tauņ êlêlêc su atom. Anôtô tau kêkêņ dôn gebe anam dôn-ma kôm. Aêac adaguc dôn tonañ tec wacaô lasê amac. ¹⁴ Amac amoa madiņ Țalêlom, tec gêdêņ taņ adêņ amac awac toKilisinê Țawae Țajamgeņ naņ, aka lêlêc madiņ tonañ atom. ¹⁵ Aêac alanem tauņ kêt u lau teņ nêņ kolenņa atom. Mago aêac akêņ mater gebe amacnêm akêņ gêwiņ esewec ma akêņ aêacma kôm êlain tau Țanô aņga amacnêm e êtôm madiņ, taņ Anôtô kêkêņ naņ. ¹⁶ Go asôm Țawae lasê e aka lêlêc amac naakêņ êsêp lau samuc nêņ gamêņ ma alanem tauņ êtu kôm, taņ lau teņ sêjam su aņga nêņ

tunjlêlôm nan atom. ¹⁷ “Nac ten embe êlanem tau, go êlanem tau êtu Apômtauŋagen.” ¹⁸ Nac tan tau kêwaka tau sa nan, en kolenwaga nanô atom. Nac tan Apômtau kêwaka en sa nanŋen, tec en kolenwaga nanô.

11

Paulu to aposolo dansan

¹ Anô ñoc bin meloc ñagec acgomman. Aê kaja-gac gebe amac oc anô. ² Aê gajam lêmun amac kêtôm Anôtô gêjam lêmun gebe amac atôm awêtakiŋ ñajam ten, tan kési en kêtú ñac tagenŋa nan, tec gabe jawê amac andêŋ en ana. Nac tau Kilisi. ³ Mago aê taêc dani amac gebe nêma ñalêlôm, tan kêsap Kilisi tôŋ nanŋenŋen nan, oc êtu sec ma awi en sin atôm Ewa, tan moac kêsau en ña bin-dansan tokauc nan. ⁴ Gebe ñac ten embe wacênam mêtê êpi Jesu ten, tan aêc ajam mêtê kêpi atom, me embe akôc ñalau ten sa, tan akôc sa anŋa aêcma atom, me embe ñawae ñajam ten, tan aêc akêŋ gêdêŋ amac nan atom, oc anô anac ñawaegen.

⁵ Aê kasaê tauc gebe “aposolosêga” tonan lau tokauc sêlêlêc aê su nec atom. ⁶ Moae kasôm bin amboac kwapuc, mago ñoc kauc amboac kwapucnêŋ atom. Bin tonan aêc awa sa gêdêŋ amac gêc awêgen ña bin to lêŋ tokain-tokain.

⁷ Aê gabu tauc gebe jatoc amac sa ma kasôm Anôtônê ñawae ñajam lasê kakôc ñaôli gêjô su atom, tec gagôm sec me. ⁸ Gôlôac dabun ñagêdô sêjam ôli aê gebe janam sakiŋ amac. Aê galic amboac kajanŋo gêŋ anŋa êsêacnêŋ. ⁹ Gêdêŋ tan gamoa gawin amac tokapô lêna ñêŋenŋen nan, aê kaêlênsôn amac

ma kateṅ gêṅ aṅga amacnêṃ ṅac teṅ nê atom. Lasitêwai taṅ sêmêṅ aṅga Makedonia naṅ, sêjam ṅoc kêpô lêna sa. Aê gajob tauc ma oc jajop tauc ṅapep gebe jakêṅ wapac teṅ êndêṅ amac atomanô. ¹⁰ Kilisinê biṅṅanô gêjam aê auc, tec jasôm êtu tôṅ gebe ṅoc waec tonanṅ ṅawae êmbacnê aṅga Akaia ṅagamêṅ samob atomanô. ¹¹ Aê kasôm biṅ tau kêtû asageṅṅa. Kasôm gebe têtac gêwiṅ amac atom me. Anôtô kêjala gebe têtac gêwiṅ amacgac.

¹² Gêṅ taṅ gagôm gamoa naṅ, oc jawi siṅ atom, gebe jakô êsêac, taṅ sebe tetoc tauṅ sa ma sêsôm gebe sêjam kôm têtôm aêac naṅ, waenṅ auc. ¹³ Lau tônê ṅai êsêac aposolo dansanṅ. Êsêac koleṅwaga dansanṅ, taṅ sêjam Kilisinê aposolo lanôṅ naṅ. ¹⁴ Biṅ tonanṅ êtakê amac atommanṅ, gebe Sadanṅ tau gêjam aṅgela ṅawêṅṅa lanô. ¹⁵ Tec êné sakiṅwaga embe sênam sakiṅwaga biṅgêdêṅṅa lanôṅ, oc alic amboac gêṅ kaiṅ teṅ atom. Êtu ṅamu êsêac têtap ṅagêjô sa êtôm nêṅ kôm, taṅ sêjam naṅ.

Paulu gêôc ṅandanṅ taêsam kêtû eṅ aposoloṅṅa

¹⁶ Aê jasôm ṅoc biṅ êtiam gebe alic aê amboac ṅac meloc atom. Mago embe alic aê amboac ṅac meloc, naṅ alicmanṅ, tagenṅ alôc sa gebe jalanem tauc ṅagec acgom. ¹⁷ Biṅ tec jasôm nec Apômtaunê biṅ atom. Aê jasôm biṅ lanemṅa tonec amboac ṅac meloc teṅ. ¹⁸ Lau taêsam sêlanem tauṅ kêtû biṅ ṅamalacṅa, tec gabe jalanem tauc êtu tonanṅṅa êwiṅmanṅ. ¹⁹ Amac taôm lau tokaucgac, mago aṅô lau meloc nêṅ biṅ ajac ṅawaegenṅ. ²⁰ ṅac teṅ embe êkôninṅ amac atu êné sakiṅwaga, me êniṅ amacnêṃ mo ṅaômagenṅ, me êkôc amacnêṃ gêṅ, me etoc tau

sa, me êtap amac lanômanô auc, oc alic ñajam. ²¹ Aê jasôm tomajocgen gebe aêacma ñajaña masi, tec agôm gêñ amboac tonañ atom.

Mago ñac ten embe êkian tau sa gêñ tenña, go jakian tauc sa amboac tonañgen. Galoc kasôm bin amboac ñac meloc kêtiam. ²² Êsêac Ebolaiwaga me. Aê amboac tonañ. Êsêac Israelwaga me. Aê amboac tonañ. Êsêac Abrahamnê wakuc me. Aê amboac tonañ. ²³ Êsêac Kilisinê sakinwaga me. Aê jasôm ñagêbôcnagen gebe Aê gajam sakin Kilisi kêlêlêc êsêac su. Aê gajam kolen kêlêlêc êsêac. Aê gêngôn kapoacwalô kêtû dim taêsam, si aê kêlêlêc e kêdabin gebe jamac êndu. ²⁴ Judawaga si aê kêtû dim lemen ten kakôc sêm 39 kêtômgen. ²⁵ Si aê ña sêm kêtû dim têlêac kêtiam, ma gêdên ñasawa ten gadam kapoac gwêc geleña samuc ten ma gêbêcauc samuc ten. ²⁶ Aê kasêlên gajac laoc gamên todim-todim, galom bu secsec, ma kêjanowaga to aê tauc ñoc lau ma lau samuc dêdib aê ñawaô sebe sênac aê êndu. Aê gêngôn malac to gamoa gamên sawa ma kapoac gwêc to gançon gawin lasitêwai dansañ ma gamoa jageo ñanô. ²⁷ Aê gajam kolen e tekoc gêbac ma gêbêc taêsam gaêc bêc atom. Mo to bu gêjô aê ma kêpô lêna tauc gêñ taniña samucgen ma malo gêjam aê ma ñoc ñakwê masi. ²⁸ Aê gabe jasa bin ñagêdô sa êwin atom, tagen tonec gebe kêtôm bêcgen kêpô sim tauc kêtû gôlôac dabun samobña, tec kêkônin aê tôñ ñanôgen. ²⁹ Ñac ten embe êtu palê, go aê jatu pan atom me. Sec ñalip embe ênac ñac ten, go aê têtac ñandanêsa atom me.

³⁰ Lau embe sêkac aê gebe jalanem tauc, go jalanem tauc êtu ñoc palêpalênagen. ³¹ Apômtau

Jesu Tama Anôtô, tañ aêac têlanem enj endenj tòngeñ nañ, tec kêjala gebe kasau atom. ³² Gêdêñ tañ aê gamoa Damasku nañ, kinj Areta nê gôlinwaga kêsôm gebe sêlai Damasku ñakatom auc sebe sêkôc aê tònj. ³³ Mago sêkêñ aê kasêp sêm, tañ sêwa kêtôm talu teñ nañ, ma sêlêwanj aê kasa katam saunj teñ kasêp tunjbôm ñamagêña gamêñ, tec gaêc êsêac lemeñ su.

12

Paulu katu kainj teñ kêsa to Anôtô geoc binj lasê gêdêñ enj ñaminj

¹ Binj tonec gêc awê gebe lanem tau ñanô masi. Mago talanem tauñmanj. Galoc jawa binj katuc kainj teñ kêsa to Apômtau geoc binj lasê gêdêñ aêña sa. ² Aê kajala ñac teñ Kilisi gêbinj enj tònj ma kêsun enj sa kêpi undambê ñadenj kêtû têlêacña nañ gêja. Binj tonanj kêsa ñajala 14 su. Ñac tau toôligenj gêja me gêwi ôli sinj, aê kajala atom. Anôtô tec gêlic. ³⁻⁴ Aê kajala gebe Anôtô kêsun ñac tau tonanj sa kêpi paradisi. Ñac tau toôligenj gêja me gêwi ôli sinj, aê kajala atom. Anôtô tec gêlic. Anja ônê enj gêñô binj, tañ ñamalac awenj sêsôm têtôm atom to sêjac jao gebe sêsôm atom nañ. ⁵ Aê gabe jalanem ñac tonanj, gabe jalanem tauc atom. Embe jalanem tauc, oc jalanem tauc êtu ñoc palêpalêña. ⁶ Aê embe taêc ênam gebe jalanem tauc, oc janngôm tauc jatu meloc atom, oc jasôm binñanôgenj. Mago aê gabe janam tauc tònj gebe ñac teñ êlic aê ñajam êlêlêc su atom. Gêñ tañ enj gêlic aê gagôm to binj, tañ enj gêñô aê kasôm nanjenj êwaka aê sa.

7 Anôtô geoc biñ kain ten nânô lasê gêdêñ aê, mago enj gebe aê jatoc tauc sa atom, tec kêkêñ gêmâc tonandan kain ten gêdêñ aê, aê galic gêmâc tau kêtôm Sadañnê añela ten, tañ kêtuc aê gebe jatoc tauc sa atom. 8 Aê katen Apômtau kêtû dim têtêac kêtû gêmâc tauña gebe êkôc su aña aê. 9 Mago enj kêsôm gêdêñ aê gebe “Aôm kôtap ñoc moasinj sêñac, tec kôpô lêna gêñ ten kêtiam atom, gebe ñoc ñaclai ênac dabinj tau aña lau palê-palê nêñ.” Amboac tonan aê jalanem tauc ñoc palê-palêña janac ñawaegen gebe Kilisinê ñaclai êkwa aê auc. 10 Amboac tonan oc jalic ñajam gebe jamoa topalê-palêgen ma lau sêngôm aê sec to japô lêna tauc ma sêjanda aê to janğonj naeo êtu Kilisinja. Êndêñ tañ jamoa topalê-palêgen nan, jamoa tonjaclaigenj.

Paulu kêpô sim tau kêtû lau Korintiña

11 Aê katu ñac meloc sugac. Amac akac aê tec katu gêñ meloc. Kôm awaka aê saña gêñac amac ñawaegac. Aê ñac ñaôma, mago aposolo towae tonan ñai sêlêlêc aê su atom. 12 Aê gamoa gawin amac ma gaôc gêñwapac totêtac kêpa sugen e gagôm gêñsêga, tañ kêwaka aposolo sa nan. Aê gagôm gêñsêga to gêñtalô ma gêñ tonjaclai. 13 Gôlôac dabun ñagêdô têtap gêñ ondoc sa, tañ amac atap sa atom. Gêñ tagenj tonec tec atap sa atom gebe aê tauc kalênsôn amac ma katenj gêñ ten aña amacnêm atom. Asuc ñoc geo tonan ôkwimanj.

14 Galoc kamasan tauc gebe jandêñ amac jawac êtu dim têtêacña. Ma aê gabe jakôc gêñ ten aña amacnêm atom. Aê gabe jatap amacnêm gêñ sa atom, aê gabe jatap amac taôm sa. Ñapalê sêñac

awa sa êtu tenenji to tamenjina atom, tenenji to tamenji sênac sa êtu ñapalêña. ¹⁵ Aê têtac gêwiñ ñanô gebe jakêñ ñoc gêñ samob to jaim tauc su êtu janam amac saña. Ma aê embe têtac êwiñ amac êlêlêc su, go amacnêm ñagêjô tonec gebe têtac êwiñ aê ñagecgeñ me.

¹⁶ Biñ tau tonec gêc awê, aê katenj gêñ e kakêñ wapac amac atom. Tagenj lau ñagêdô sêsôm gebe oc gagôm gêñlêlôm amac ma kasau amac e gajam amac ôkwi. ¹⁷ Amboac ondoc. Aê kasakinj lau dêdêñ amac sêwac nanj kasakinj nêñ tenj gebe êwê amac aucña me. ¹⁸ Aê katenj Titi gebe êwac ma kasakinj lasinj tenj gebe êwiñ enj. Tec Titi oc gêwê amac auc me. Aêagêc asa ma lêñ toma ñalêlôm tagenj atom me. Aêagêc apuc ñac tagenj waña atom me.

¹⁹ Amac abe aêac awa tauñ sa êndêñ amac endenj tôñgenj me. Masigoc. Kilisi gêbiñ aêac tôñ ma aêac asôm biñ akô Anôtô lanônêm. O lauace, genj samob tonanj aêac agôm gebe amboa amac saña. ²⁰ Aê gaê go tauc gebe moae êndêñ tanj wacjâo lasê amac nanj, jatap amac sa atôm aê taêc gêjamña nec atom. Ma moae amac atap aê sa jatôm amac taêm gêjamña nanj, atom amboac tonanjenj. Aê katêc gebe moae jatap kisa to biñ lêmuñña ma têtac ñandanj, biñ saic-saic to biñ gêga ma biñkalom, atoc taôm sa ma lêñ wauc-waucgenjña sa. ²¹ Aê gaê go tauc gebe aê embe jandêñ amac jawac êtiam, go ñoc Anôtô oc moae êkônij aê ma amac alic, ma jatanj api taêsam, tanj sêgôm sec wanêcgenj su, mago sêjam tauñ ôkwi anja gêñ môp to mockainjña ma matenj danjucña, tanj sêgôm nanj atom.

13

Paulu gêlêḅ biḅ lau kêtḅ ḅamu ma gêḅac mata nê papia

¹ Galoc gabe jandêḅ amac jawac êtu dim têlêacḅa. “ḅac luagêc me têlêac sêwa biḅ teḅ sa acgom, go ḅanô êsa.” ² Gêdêḅ taḅ gamoa gawiḅ amac kêtḅ dim luagêcḅa naḅ, kasôm biḅ gêdêḅ lau, taḅ gêmunḅeḅ sêgôm sec to gêdêḅ lau ḅagêdô samob gebe Embe jawac êtiam, oc taêc walô amac atom. Galoc gamoa jaêc amac, tec jasôm biḅ tonanḅeḅ êtiam. ³ Amac abe Kilisi êwa tau sa ḅanôḅeḅ gebe aê gajam eḅ awa. Eḅ gêmoa gêwiḅ amac amboac ḅac palê-palê atom, gêmoa gêwiḅ amac toḅaclaigeḅ. ⁴ Biḅḅanô, eḅ ḅac palê-palê, tec sêḅac eḅ kêpi kakesotau. Mago Anôtônê ḅaclai kêkêḅ eḅ gêmoa mata jali. Eḅ gêbiḅ aêac tôḅ awê kainḅ ênê palê-palê, mago Anôtônê ḅaclai êkêḅ aêac amoa matenḅ jali awiḅ eḅ gebe anam amac sa.

⁵ Ansaê taôm acgom. Amac akêḅ gêwiḅ ḅanô me masi. Taêm ênam taômmanḅ. Amac ajala gebe Kilisi Jesu gêmoa gêwiḅ amac me masi. Embe ajala atom, go atap saê ḅanô sa atom. ⁶ Aê taêc kêka gebe amac ajala aêac gebe atap saê ḅanô sagac. ⁷ Aêac atenḅ Anôtô gebe amac anḅôm sec teḅ atom. Aêac atenḅ biḅ tonanḅ kêtḅ awaka taunḅ sa êndêḅ amac alic gebe aêac lau ḅanḅêḅ nec atom, atenḅ gebe amac anḅôm gêḅ ḅajamḅeḅ. Embe alic aêac amboac lau, taḅ têtap saê ḅanô sa atom naḅ, oc êtôm, mago oc êlênsônḅ aêac atom. ⁸ Aêac tec atôm gebe akôninḅ biḅḅanô tôḅ atom, aêac atoc biḅḅanô sagerḅ. ⁹ Embe aêac lau palê-palê ma amac lau ḅajana, oc aêac alic totêntac ḅajamḅeḅ. Aêac atenḅ ma mec kêtḅ biḅ

tau tonecɲa gebe Anôtô êkêɲ amac atu lau ɲajaɲa samucgeɲ. ¹⁰ Aê gamoa jaêc ma kato biɲ tonec kêtú ɲam tonecɲa gebe êndêɲ taɲ jaô lasê amac naɲ, jansaic biɲ amac atom. Apômtau kêkêɲ ɲaclai tau gêdêɲ aê, mago kêkêɲ kêtú enseɲ amac suɲa atom, kêkêɲ kêtú êmboa amac saɲageɲ.

¹¹ O lasitêwaac, aɲgôɲ ɲajamôɲ. Anac dabiɲ taôm ɲapep. Alêɲ biɲ taôm. Nêm ɲalêlôm êpi tageɲ ma amoa tobiɲmalôgeɲ. Ma Anôtô, taɲ kêtú têtac gêwiɲ to biɲmalô ɲamôkê naɲ, wacêwiɲ amac.

¹² Aê moalêc taôm to akôc taôm sa êtôm Anôtônê lau nêɲ mêtê. Anôtônê lau samob aweɲ gêjac amac.

¹³ Apômtau Jesu Kilisi nê moasiɲ to Anôtônê têtac gêwiɲ ma ɲalau Dabuɲ êmbiɲ amac tôɲ êwiɲ amac samob.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb